


на утрени



На утрени

На Бог Господь: тропарь воскресен, глас 1:

Кáмени запечáтану от иудей/ и воином стрегущим
Пречистое Тело Твое, / воскресл еси триднѣвный,
Спасе, / даруяй мiрови жизнь. / Сего ради Силы Небесныя
вопяху Ти, Жизнодавче: / слава Воскресению Твоему,
Христѣ, / слава Царствию Твоему, // слава смотрѣнию
Твоему, Едине Человеколюбче. (Единожды)

И тропарь святым, глас 8: Якоже плод: единожды.

Слава, ин тропарь, глас 4:

Иерусалима Вышняго гражданы, / от земли нашея
возсиявшия / и Богу во всяцем чину и всяким подвигом
угодившия, / приидите, воспойм, вернии: / о, всеблаженнии
земли Россiйския заступницы, / молитесь ко Господу, /
да помилует сию от гнева Своего, / исцеляя сокрушение ея, //
и верныя люди Своя утешит.

И ныне, Богородичен, глас тойже:

Днесь светло красуется Православная Русь, / яко зарю
солнечную, восприими, Владычице, / чудотворную
Твою икону Владимирскую, / к нейже ныне мы прите-
кающе и молящися Тебе, взываем сие: / о пречудная
Владычице Богородице, / молися из Тебе воплощенному
Христу Богу нашему, / да избавит землю Русскую и вся
страны христианския / невредимы от всех навет вражиих //
и спасет души наша, яко Милосерд.

Стихословим кафисмы 2-ю и 3-ю.

В Неделю всех русских святых

По 1-м стихословии седальны воскресны, глас 1:

Гроб Твой, Спа́се, во́ини стрегу́щи, ме́ртвии от облиста́ния явльшагося Ангела бы́ша, пропове́дающа жена́м Воскресе́ние. Тебе́ сла́вим, тли Потребите́ля, Тебе́ припа́даем Воскресе́шему из гроба́ и Еди́ному Бо́гу на́шему.

Стих: Воскресни́, Го́споди Бо́же мой, да вознесе́тся рука́ Твоя́, не забу́ди убо́гих Твои́х до конца́.

Ко Кресту́ пригво́ждься во́лею, Ще́дре, во гробе́ положен быв, я́ко мертв, Животода́вче, держа́ву стерл еси́, Си́льне, сме́ртию Твоею́: Тебе́ бо вострепеташа врати́цы а́довы, Ты совоздвигл еси́ от ве́ка умерши́я, я́ко Еди́н Человеколю́бец.

Слава, и ныне, Богородичен:

Ма́терь Тя Бо́жию све́мы вси Де́ву вои́стинну и по рождестве́ явльшуюся, и́же любо́вию прибега́ющи к Твое́й бла́гости: Тебе́ бо и́мамы грешни́и предста́тельство, Тебе́ стяжа́хом в напáстех спасе́ние, Еди́ну Всенепоро́чную.

По 2-м стихословии седальны, глас 1:

Подобен: Ка́мени запеча́тану:

Жены́ ко гробу́ приидо́ша ура́нша, и Ангельское явле́ние виде́вша трепета́ху: гроб облиста́ жизнь, чу́до удивля́ше я; сего́ ра́ди шедша́ ученико́м пропове́даху воста́ние: ад плени́ Христо́с, я́ко Еди́н кре́пок и си́лен, и истле́вши́я вся совоздвиге́, осужде́ния страх разруши́в Кресто́м.

Стих: Испове́мся Тебе́, Го́споди, всем се́рдцем мои́м, пове́м вся чудеса́ Твоя́.

На Кресте́ пригвозди́лся еси́, Животе́ всех, и в ме́ртвых вмени́лся еси́, Безсме́ртный Го́споди, воскре́сл еси́ тридне́вен, Спа́се, совоздвиг Ада́ма от тле́ния. Сего́ ра́ди Си́лы Небе́сныя вопия́ху Тебе́, Жизнода́вче Христе́: сла́ва Воскресе́нию Твоему́, сла́ва снизхожде́нию Твоему́, Еди́не Человеколю́бче.

Слава, и ныне, Богородичен:

Ма́ри́е, честное́ Влады́ки приятели́ще, воскре́си ны па́дши́я в про́пасть лю́таго отчая́ния, и прегреше́ний, и скорбе́й, Ты бо еси́ грешным спасе́ние и по́мощь, и кре́пкое предста́тельство, и спаса́еши рабы́ Твоя́.

Полиелей: Хвалите́ и́мя Господне:

на утрени

По полиелейных псалмех священницы поют величание Пресвятей Троице:

Велича́ем Тя, / Трипостáсный Влады́ко, / véрою правосла́вною зéмлю Ру́сскую озари́вшего / и святы́х сродни́ков на́ших // сонм véлий в ней просла́вльшаго.

И абие священнослужители же поют величание Пресвятей Богородице:

Досто́йно есть велича́ти Тя, / Богоро́дице, / земли́ Ру́сския Цари́цу Небе́сную / и люде́й правосла́вных // Влады́чицу Держáвную.

Посем лик поет стих 1-й псалма избраннаго:

1 лик: Бла́го есть испове́даться Го́сподеви и пéти ймени Твоему́, Вы́шний, возвеща́ти зау́тра ми́лость Твою́ и йстину Твою́ на вся́ку но́щь.

И абие величание святым:

Ублажа́ем вас, / чудотво́рцы на́ши сла́внии, / зéмлю Ру́сскую добродéтельми ва́шими озари́вшии / и о́браз спасéния нам // светоявлéнно показáвшии.

Псалом избранный, поемый в Неделю 2-ю по Пятидесятнице:

2 лик: Véлий Го́сподь и хва́лен зело́, во гра́де Бо́га на́шего, в горé святе́й Его́. **У**блажа́ем вас:

1. Род и род восхва́лят дела́ Твоя́ и си́лу Твою́ возвестя́т. **У**блажа́ем вас:

2. Великоле́пие сла́вы святы́ни Твоея́ возглаго́лют и чудеса́ Твоя́ пове́дят. **У**блажа́ем вас:

Посем не певше: Слава, и ныне: 1 лик поет:

Благословéн еси́, Го́споди, научи́ мя оправданием Твоим. **Ангельский собор:** и прочии тропари воскресныя по непорочных.

Ектения малая.

Ипакои, глас 1:

Разбо́йничо покая́ние рай окра́де, плач же мирно́сиц ра́дость возвести́, я́ко воскре́сл еси́, Христе́ Бо́же, пода́й ми́рови véлию ми́лость.

В Неделю всех русских святых

Таже седальны святых:

Глас 3:

Подобен: Дѣва днесь:

Мужайся, Христова Церковь, / и державствуй над всею борющимися! / Христова бо друзи о тебе пекутся, / и предстояще, и обстояще, / ихже общий праздник ныне // совершаеши светло.

Глас 1:

Подобен: Камени запечатану:

Аще и глаголют сынове века сего: / приидите, оставим вся праздники Божия от земли, / но Царство Господне и еще державствовать имать, / дерзость врагов отражающее. / Темже настоящее торжество светло празднующе, / Единому Царю и Богу нашему возопиим: / слава Тебе, Русь Православием освятившему; / слава Тебе, святых многих в ней прославльшему; // слава Тебе, и донине верным крепость дарующему.

Глас 5:

Красуйся, светися, Русь Православная, лучами Креста, / егже имаше всем верным хранителя, / ты же множество все демонское, // тьмы исполньшееся, отвергни.

Слава, глас 3.

Подобен: Да веселятся:

Светло совершающе настоящее торжество, / восхвалим и Андрея Первозванного, / яко Русския земли апостола, / первого евангельским благовестием сию огласившаго, / той бо, якоже древле протцем нашим, / тако и нам ныне взывает: // приидите, обретохом Желаемого.

И ныне, Богородичен, глас 4:

Яко необоримую стену и источник чудес / стяжавше Ты раби Твои, Богородице Пречистая, / сопротивных ополчения низлагаем. / Темже молим Тя: / мир земли Русстей даруй // и душам нашим велию милость.

Таже степенны, глас 1.

Антифон 1:

Внегда скорбети ми, / услыши моя болезни, // Господи, Тебе зову.

Пустынным непрестанное / божественное желание бывает, // мира сущим суетнаго кроме.

на утрени

Слава: Святому Духу/ честь и слава, якоже Отцу подобает,/ купно же и Сыну,/ сего ради да поем// Троице единосущавие.

И ныне: тойже.

Антифон 2:

На горы Твоих вознесл еси мя законов,/ добродетельми просвети, Боже,/ да пою Тя.

Десною Твоею рукою приим,/ Ты, Слове, сохрани мя,// соблюди, да не огонь мене опалит греховный.

Слава: Святым Духом/ всякая тварь обновляется,/ паки текущи на первое:// равномощен бо есть Отцу и Слово.

И ныне: тойже.

Антифон 3:

О рекших мне: внидем во дворы Господни,/ возвеселися мой дух,// срадуется сердце.

В дому Давидове страх велик:/ тамо бо, престолом поставленным,// судятся вся племена и языцы.

Слава: Святому Духу/ честь, поклонение, славу и державу,/ якоже Отцу достоит,/ и Сынови подобает приносити:/ Единица бо есть Троица// Естеством, но не Лицы.

И ныне: тойже

Прокимен воскресный, глас 1: Ныне воскресну, глаголет Господь,/ положуся во спасение, не обвинюся о нем.

Стих: Словеса Господня, словеса чиста.

Всякое дыхание:

Евангелие воскресное 2-е, от Марка, зачало 70.

Воскресение Христово: Псалом 50.

Слава: Молитвами апостолов: **И ныне:** Молитвами Богородицы:
Стихира воскресная: Воскрес Иисус от гроба:

И глаголет диакон: Спаси, Боже, люди Твоя:

Лик: Господи помилуй: (12) **И возглас:** Милостию и щедротами:

